

ՎԱՐՊԳԵՍ

ԲԱԲԱՅԱՆ



### Շուշի

Շուշիից ստիպված են հեռանալ վերջին հայ ընտանիքները...  
«Պրավդա», 28 սեպտ., 88

## Մատենադարանի դիմաց

Ասես հնօրյա ասքերից ելած՝  
 Մեր հերոսներն են լեռնացեղ այստեղ,  
 Որ 1946-ն ոգով մեր վերապաց,  
 Որ իրենց անմեռ սերը հավաստեն:  
 Եվ իր ուստրերի ու դուստրերի հետ  
 Մաշտոցն է նստած՝ բարձր ու ալեկոծ,  
 Իբրև գորավար և ուսուցչապետ՝  
 Տառերի գինյալ դասակով իր հոծ:  
 Դիմացը՝ մի հին երկիր՝ Նաիրի,  
 Եվ երակներում՝ եռքը նույն արյան,  
 Եվ բոլորն ասես ձուլված են ի մի,  
 Մի ժայռ են՝ Գառնի, Մատենադարան:  
 Եվ ժայռից պոկվում նորատի մի կույս,  
 Շարժում է բռունցքն ու գոշում՝ Աք-ցախ...  
 Այդ բառը միակ ու խոռվահույզ  
 Հորձանք է տալիս, ճախրում համարձակ:  
 Հետո պայթում է մի ահեղ մրրիկ  
 Ու երկնքի փակ դռները ծեծում,  
 Ու պատանեցած մի արդար Ֆրիկ  
 Իր նոր «Գանգատն» է հղում Աստծուն:  
 Եվ Վարուժանն է կարդում ցասմավառ  
 Իր «Գողգոթայի ծաղիկները» նոր,  
 Երկիրը խառն է՝ լույս է ու խավար,  
 Երկինքը՝ հղի մի նոր Վահագնով:  
 Եվ պատանյաց մեջ այս բոցակորով  
 Մաշտոցն է խոսում մեր բազկատարած,  
 — Խնաեա՛ Աստված մեր բազումողորմ,  
 Եվ փրկեա՛, փրկեա՛ մերոց ի նեղչաց...  
 1988

## Արհավիրք

Քանի՛ սերուսիրտ լիլվեց հիմնիվեր,  
 Եվ քանի՛ ակունք փակվեց հորդարուխ՝  
 Հզոր կաղնիներ ու դալար շիվեր,  
 Փունջ-փունջ մանուկներ կտրիկ ու թուխ:  
 Եվ ո՛վ էր տեսել մի լեռնաշխարհում  
 Ամեն մի լեռան վրա՝ մի տապան,  
 Արևի աչքը փակել էր արյուն,  
 Ասես նա՛ էլ էր կորցրել իր ճամփան:  
 Ես ո՛ւմ սփոփեմ, երբ ի՛նքս եմ խոցված,  
 Ինչպե՛ս սփոփեմ, երբ ի՛նքս եմ ողբում,  
 Բունս դարավոր՝ հիմքից սղոցված,  
 Հոգիս՝ տեղահան եղած մի որբուկ:  
 Դու, որ Աստված ես, չարիքը թողած,  
 Ինչո՛ւ պատժեցիր քարուն չարաչար,  
 Հային դարձրեցիր քավության նոխազ՝  
 Աշխարհի բոլոր մեղքերի համար:  
 Եվ դո՛ւ, Վահագն, մեր վիշապաքաղ,  
 Ինչո՛ւ ուշացար, խարտյաշ պատանի,  
 Զգլխատեցիր նրան անհապաղ,  
 Ահեղ վիշապին այդ յոթգլխանի:

Վերջի՛ն հայերն են մեկնում Շուշիից...  
 Վերջի՛ն հայերը, Աստված իմ, վերջի՛ն...  
 Վերջի՛ն համբույրն են պատին դրոշմում  
 Վերջի՛ն հայացքը ու շունչը վերջի՛ն...

Վարանդա երկրի աստղը այս անշեջ,  
 Հավատի, սիրո այս ուխտատեղին,  
 Որ հայոց շունչն էր ամբարել իր մեջ,  
 Այսօր գոհ դարձավ բարբարոս կրքին:

Զկուվեց... Ո՛չ էլ լաց եղավ անգամ,  
 Լքված էր այնպես, ո՛ւմ ապավինել,  
 Մեռել էր ոգին իր արցախական,  
 Թե՛ անկարող էր նույնիսկ լաց լինել:

Կկանչեն երկար աղբյուրները պաղ  
 Հայ աղջիկներին մեր քաղցրահամբույր,  
 Հետ կգան նորից հավքերը չքնաղ,  
 Իրենց բները կփնտրեն իզուր...

Թողած հայրենի Շուշին հինավուրց,  
 Մեկնում են արդեն հայերը վերջին:  
 Ու փրկություն է խնդրում Աստծուց  
 Ամենափրկիչ մեր եկեղեցին:

28 սեպտեմբերի, 1988

## Վաքխանալիա

Նոր բացված օրը,  
 Ինչպես նորածին մանուկը՝  
 ճերմակ իր բարուրի մեջ,  
 գալարվում է գոլ արյան մշուշում,  
 քոչվոր խուժանը՝ վայրաբար ուրախ,  
 մանկան ազդրը դեռ արնաթաթախ՝  
 երախում սեղմած՝ տներն է խուժում:  
 Բռնաբարված և մերկանդամ կանայք  
 նետվում են խարույկ,  
 գյավուրի գանգով, գյավուրի արյամբ  
 խրախճանում են մինչև կեսցիշեր  
 ու կրակի շուրջ ոստոստում ուրախ:  
 Խեղագարվում է օրը  
 մարդկային մսերի հոտից,  
 խաչում են նորից Որդուն և Հորը՝  
 սուր ատամներով սեղմած կոկորդից:  
 ...Իմ խե՛ղճ, իմ անգին,  
 Օրդ նման է քո ամբողջ կյանքին:  
 Դա՛նն է քո դարը, խա՛նն է երկիրը՝  
 լույս ու խավարի,  
 քո և քո աստծու ճակատագիրը  
 նո՛ւյնն է, հիրավի:

27 մարտի 1989